

— Ազա, էսենց էլ բան... Հիմա որ մը-
տածում եմ՝ հաւատքս չի գալիս... Երազ էր,
երազ չէր, ինչ իմանամ... Մի աէրտէր, որ
ձիւն ու բուքի մէջ ման ա գալիս, զուշի նման
թեւեր է առնում թոշում ա... Էնպէս էլի,
ինչպէս նազումը պատում են: Աչքերս քեո-
ռանայ եթէ սուտ եմ ասում...

— Եկ տեսնը, Աւանես Զան, մի քիչ կոնծեկ
էիր...

— Յիսո՛ւս Քրիստոս, ասում եմ, աղբեր,
ասում եմ իսկի արաղի երեսը չէի տեսել: Բե-
րանս չորանա՛ եթէ բոլորը չեմ ասում...

Եւ քրտինի շուրջը նստած գիւղացիների
թերահաւատ աչքերում կայծեր են վառում:
Նրանց սիրտը սեղմւում է: Մտահոգ նայում
են դռան, չլինի թէ մէկ էլ բացուի եւ առաս-
պելական քահանան ձիւնով ծածկուած յան-
կարձ ներս մտնի:

Գիշերը, յորը Սուրբ Ղազարի բոլոր լոյ-
սերը մարում են եւ նոճիները, բարձր ուր-
ուականների նման, ցցում են միայնակ: Երբ
վանականները կողպում են իրենց դռները եւ
մտնում անկողին, երբ Հայր Արսէն Ղազիկ-
եանը վերջապէս փակում է իր տետրակները
եւ քթի տակ մի շարական մրմուռով որոշում է
քնել՝ եթէ Լիզօի կողմից ուշադրութեամբ
դիտէք, պիտի նշմարէք, որ դարզարանի այն
մասի պատահանը, որ պահուած են ձեռա-
գիրները, վայրկեանապէս բոցավառում է եւ
անմիջապէս մարում:

Շատերը այդ դիտել են: Առհասարակ
կարծում են, որ վանքի պահապանն է որ շըր-
ջում է լամպարը ձեռքին եւ անցնում է սեն-
եակից սենեակ:

Ճշմարտութիւնը ուրիշ է:

Հայր Աւետիք Ալիշանը վերադառնում է
գիշերուան ժամը 13-ին: Բաց է անում ձեռա-
գիրների սենեակի պատուհանը եւ ներս մըտ-
նում: Բոլոր վանականները միաձայն վկայում
են որ այդ ժամին մի ինչ որ անսովոր ձայն է
լսում: Մերունիները, որ շատ թեթեւ քուն
ունին, իրենց գլուխը վեր են բարձրացնում եւ
մի աղօթք փոփոսում. երիտասարդները անհան-
դիտ շարժում են անկողնի մէջ, ջրայնորէն
բռունցքը սեղմում իրենց կրծքին եւ գոռան-
ցում:

Յետոյ ամէն ինչ նորից թաղում է լու-
թեան մէջ:

Իսկ այնտեղ, սենեակում, դրակալները
բացում են, ձեռագիրների էջերը շարժում են
մեռած տերեւների նման եւ մանրանկարները
դուրս են գալիս մէկը միւսի ետեւից:

Ոսկի կտրած դաշտեր: Եռանկլինի աստ-
ղեր: Զուկանման մարմիններով էակներ:
Անկարելի թոշուններ: Լայն քղամիջներով
ծածկուած սուրբեր եւ սրբուհիներ: Զինուո-
րականներ: Կէս ծոռած դղեակների մօտ նըս-
տած թագաւորներ: Բաց լազուր մի երկինք
իրբեւ ներքնախոր եւ վառվառն այլաձեւ ծա-
ղիկներ:

Փոքրիկ այդ սենեակում, հայ ժողովուր-
դի պատմութիւնը, տարօրինակ տեսարաններ
է պարզում: Թագաւորները, սպարապետները,
սուրբերը, կանայք եւ ժողովուրդ, դուրս են
ցցում դարերի միջից, բազուկները երկա-
րում, գլուխները դուրս հանում, Փոսփորէ
աչքերով նայում դողահար եւ սպրտնած Հայր
Ալիշանին եւ սպասում նրա պատմութեան:

Ինչ է պատմում ձերունին, յայտնի չէ:

Նրա շրթունքները շարժում են, աչքերը
կայծիկում եւ երբեմն էլ դեղնած այտի վրա-
յից մեծ մի արցունք է վազում:

Լսում են: Մէկ էլ խուլ մի հատահանք է
լսում: Կանանց խումբը երկարօրէն մղկատւ
է: Մի սուրբ, գլուխը ձեռքերի մէջ բռնած,
հեծկլտում է:

Մածկուած այդ ձայները փշրուած ալիքի
նման տարածւում են մեծ դահլիճում, սան-
դուխների վրայից վար թափւում, տարածւում
միջանցներում եւ բախւում խուցերի հաստ
դռներին:

«Յովր այս գիշեր անհանգիստ է», մտա-
ծում են վանականները եւ իրենց գլուխը սեղ-
մում են բարձին:

Ժամը 4-ի մօտերը ամէն ինչ լուռ է:

Երբ վանքի զանգակը սկսում է զօղանջել
եւ եկեղեցում շարականը ձեռքերը կպցնում է
պատերին՝ Հայր Աւետիք Ալիշանը նորից չո-
քում է դռան առջեւ եւ ձակատը պաղ մարմա-
րին առած խօսում է ոգիներին: